



Comité Conmemoración
Pasado de la Esclavitud

Fundación Lanta Papiamento ta lansa serie di video cortico pa conscientisa comunidad riba uzo di Papiamento

Ta invita tur hende pa celebra nos idioma

ORANJESTAD, 22 di februari 2026: Fundación Lanta Papiamento ta anuncia e lansamento di cinco video cortico, pa medio di e campaña titula “Papiamento: Nos Raiz, Nos Futuro”. E videonan aki tin como obhetivo promove uzo consciente di Papiamento den bida diario y den educacion. Cada video tin un duracion di 15 seconde y ta enfatisa Papiamento como idioma di identidad y union pa nos comunidad.

Na ocasion di *Dia Internacional di Idioma Materno*, dia 21 di februari, e videonan a cuminsa pasa durante e programacion di Telearuba, partner di e proyecto aki, y tambe riba plataformanan social di Fundación Lanta Papiamento, esta Facebook y Instagram y nan ta tambe disponibel riba Coleccion Aruba (coleccion.aw).

Cada video ta presenta situacionnan di bida real, caminda hende ta papia Papiamento cu orguyo. Un ehempel ta un mama cu ta stimula su yiu pa papia Papiamento, y un maestra cu ta inspira su estudiante pa balora nos idioma. Tur video ta caba cu un yamada na accion manera: “Nos idioma Papiamento, cuid’e”.

Fundación Lanta Papiamento a haci e proyecto ki posibel danki na e sosten financiero di Comité Conmemoración Pasado de la Esclavitud. Ta gradici tur colaborador y talento local cu a contribui pa e produccion por a bira un realidad: Creator Films/Ronney Dotel, actor y estudiante: Nelson Gonzalez, Tuesday Irwin, Katelyn Lejuez, Roos van der Sloot, Lupita Bernabela, Luz Mary Pabón, Rubia Bernabela, Alisaène Abdul, Shahayra Croes y Christopher-John Lejuez. Gradicimento special tambe pa Biblioteca Nacional Aruba, Departamento Arubiana-Caribiana, Fleur Up Boutique y Telearuba.

Pa mas informacion, sigui Fundación Lanta Papiamento riba social media y sintonisa Telearuba pa wak e videonan inspirador aki .
Corda cu Papiamento ta nos raiz y tambe ta nos futuro.

